

شهرده عامه به نافع امور و مصالحه نظارت ایتمکله مکلفدر. زقاق اورته سنه اوتیه بری قویه رقی یوللری تضییق و ماره بی ازعاجه تصدی ایدنلری منع ایتمک. قدر معتاددن زیاده حیواناته تحمیل ائقالدن منع ایلمک [۱]. ازقه واسواقده سقوط وانه دامه مائل ابنیه وجدرائی هدم و یاصور سائر ایله ضرر عامی دفع ایتمک. حوائج ضروریه به نرخ و یرمک. وزن و تکیله دقت ایلمک. بو خصوصیه دایر امر و منهیلرک خلافتده حرکت ایدنلری تأدیب ایتمک کی امور بلدییه هب بو وظیفه به راجع فی الاصل منصب قضایه ملحق اولوق اوزره قضاة طرفندن منصوب رجاله مخصوص ایدی.

برکت زاده

اسماعیل حق

معاهدات

۳

عهد عتیقه مزک تاریخی

۳

میلادک ۱۲۷۵ سنه سنده جنود لیلرک اخذینه موفق اولدقلری بر عهدنامه غلطه ده بر اداره مستقله تشکیل ایتدی. غلطه بلده بی کندی ایچلرندن انتخاب ایده جکاری قونسلوس (پوستاتوس) معرفتیه اداره ایده جکلردی. قونسلوس مجاردن حائز نفوذ مقتدر و ناموسلی بر ذات اولوق مشروط ایدی. جنود لیلرندن بری برجرم ایشلیه جک اولورسه انی پیزانس حکومتی تأدیب ایده میب جک. جنود لیلرک کرک جزایه کرک حقوقه عاید کافه دعاویسی قونسلوسلر طرفندن

[۱] چارپاره جفا و ارا ایتمه نک عندالله مسؤولیتی پک اغردر. بولره جور و جفا ایدنلره جناب حق یوم اخرتده شدتله عقاب ایده جکدر. «خاتیه نک» کتاب الفصیحین نقلاً «رد المختار» ده ذکر اولندیفی اوزره فقهاء دیدیلرکه دایه نک یوم قیامتده انسانه خصوصتی انسانلرک بری برینه خصوصتیلرندن ده شدتلی اولور.

رؤیت اولنه جقدی . دعوی بر جنوه لی ایله بر برلی اده سنده واقع اولسه بیه قونسولوسك حق قضاسی اوله جقدی . جنوه لیلر قورصالق و سار سورته غصب و غارات کی افعال جرمیه ایقاع ایدر ، سار حکومت تبعه سنك مالی اولان امته بی جنوه لیلره عأد کوستره رك رسم و یرمکسزین ادخال ایلر و قتل نفوس و سار تعذیبات و مجاوزانده بولنورلره بحریات ، تعقیبات اجرایی ، مجازاة تربی و تضمینات حکمی قونسولوسك دائرة صلاحیتنه داخلدی . شو قدر وارکه مجرم بولنه مدینه تقدیرده ضرر و خسار واقعك قسامه سورته جنوه لیلره تضمینی مقرر دی . بیزانس حکومتی غلطه اداره سته هیچ بوجه ایله مداخله ایده میوب نه نام ایله اولورسه ارسون جنوه لیلردن ویرکو ورسوم آله میه جقدی . غلطه به وقوع بولان ادخالات ایچون رسم و یر کوینی قونسولوس اخذ وجبات ایده جقدی . حاصلی غلطه اداره داخلیه اعتباریه آری رشهر اولدی ، استانبولك قارشیدنده عادتاً بر اجنبی حکومت تشکلی و تأسس ایتدی .

امتیازات شونلره ده قالدی . یر مدب صوکره و ندیکیلر ایله یزالیلر جنوه لیلره اعلان حرب ایتدکلرندن جنوه لیلر و ندیکیلرک هجومندن محافظه ایچون غلطه بی سور ایچنه الدیلر ، از جمله عزب قیوسنده قلعه دیوارلری یابدیلر ، غلطه قله سنی انشا ایتدیلر و مسلح آدملر قوللاندیلر . جنوه ددن و جنوه امتیازانندن مستفید اولان ممالکدن غلطه به و بیزانس مملکتلرینه کلن اشیا ددن رسم التماسی و ممالک مذکوره خلقتک طوز و ساقز رسمی مستثنا اولق اوزره هیچ بر ویرکو ایله مکلف اولمالری و بیزانس حکومتک هر کونه مداخلاتسندن آزاده بولملری ۱۳۰۴ ده یعنی ایمراطور ایکنجی آندریئقوس زماننده استحصال اولنان مساعدات جمله سندن در .

بو امتیازلرک بالاخره سوء نسیجی کورلدی . جنوه لیلر بالذات رسم المغه باشلادیلر . ایمراطور قلعه رقابته قویولدقلری کی بر چوق ارباب جرائمک ، جنایات عظیمه مرتکبلرینک التجارینی قبول ایتدیلر . غلطه کرک اداره سنك معاملاتنی او قدر توسع ایلدی که استانبول جهتنده حکومت محلیه نك واردات

رسمیه سی او تونز بیک التونه واره مدینی حلاله غلطه کرکنک وارداتی تقریباً
ایکی یوز بیک التونه ایریشدی .

شرقدہ جنود لیلره بخش اولان بومساعدات اوروپالیر ایچون نمونه امتثال
اولدی . ایلك اول اوروپالیرله مناسباته کیرن حکومت اسلامیہ مصر حکومتی در .
مصرده متعدد حکومت اسلامیہ بولمیشدر . خلفای عباسیہ دن مکنتی بالله
(۲۷۰ - ۱۸۶) دورنده شامده امام جعفرک طورونی اولدینی ادعاسنده
و خلافتی عباسیلردن آلفی فکرندہ بولنان « سعد » اسمندہ بر شخص کوردیکی
تضییق اوزرینه آفریقایه کجوب اعالیئک عباسیلره عداوتی تحریک و باشنه
طوپلادینی آدمیرله ابتدا طرابلس و تونس بعدہ مصری استیلا ایش و کندینی
« امیر المؤمنین » طانتدیرمشدر . (۲۸۷) . تأسیس ایلدیکی دولت « دولت فاطمیون »
نامبلہ معروف اولان و عباده المهدی یاد اولنان سعد غیور و شجیع بر ذات ایدی .
آزمدت ایچنده شمالی آفریقائی ضبط ایدہ رک عباسیلره تلاش و یردی . عبدالله
« قیروان » ده او طوروردی . ملوک فاطمیونک دردنجیسی ملک معز قاهرہ یی
بنا و بای تحت اخاذ ایلدی (۳۵۱) . مصر بغدادہ هر خصوصده رقابت ایدہ جک
حاله کلدی . ملوک مذکورہ نک صوکنجیسی اولان عاضد الدین اللہک بالاولدو فاتیله
مصر حکومتی صلاح الدین ایوبیہ انتقال ایلدی . (۵۵۰) . - عراق و شام و دیار
بکر حوالیسندہ حکومت ایدن موصل اتابکی نورالدین « شہید » مصر ملوک
فاطمیون النسدہ ایکن بوقطعه ده اجرای نفوذ ایدردی . وقتاکہ اهل صلیب
مصری تضییق ایتدیلر ، نورالدین « اسد الدین شیرکوه » اسمندہ بر سردارک
قوماندہ سی التندہ اولہرق مصرہ بفرقه عسکر سوق ایتدی . فاطمیوندن اسمی
کچن عاضد الدین الله اسد الدینی کندوسنه وزیر اعظم تعیین ایتدیککی کچی انک و فاتندن
صوکرہ برینه برادر زاده سی یعنی ایوب شادی نامندہ کرد و جوهندن بر بیک
اوغلی اولان صلاح الدین یوسفی نصب ایتدی . عاضد الدین اللہک و فاتندہ اولادی
بولمامسندن بالاستفاده مصر حکومتی ضبط ایله مستقل بر حکمدار اولان ذات
بو صلاح الدیندر . ایوبیلر اون حکمدار و مدت سلطنتلری سکسان سنہ در

[۵۵۰ - ۶۳۰] . زمانہ زندہ مصر قطعہ سی پک زیادہ معموریت کسب ایتشدی .
 صوکنجی حکمدار اولان مظفرالدین موسی دورندہ اناہکی یعنی وزیر اعظمی
 بولنان امرای اتراکدن عزالدین ایبک کندیسنی خلع ایله سلطان مصر اولمشدر .
 - ایوبیلر لندن بوجہ ایله مصر حکومتی آلان غلامان اتراکدن یکریمی درت
 قدر سلطان ظهور ایتش و مدت حکومتی ۱۴۰ سنہ [۶۲۰ - ۷۷۰] بالغ
 اولمشدر . غلامان اتراکک مصرده کی سلطنتی پک زیادہ قاریشقلقر ایچندہ کچمشدر .
 ابتدا حکومت بین الامرا الدن اله کرشم و نہایت ملوک اتراکک یدنجیسی
 سیف الدین ذریتمده بقا بولوب فقط هیچ بر زمان اہلی انہ دوشمامشدر . ایچلرندن
 حتی بالدفعات خلع ویاءعدمدن قورتیلان یالکز سیف الدین در . فتنہ و شورش
 حسبیلہ مصر معموریتی کرکی کبی تدنیہ اوغرامشدر . ملوک اتراک ایچندہ آز
 چوق اہالینک توجہنہ مظهر اولان یالکز ملک الظاهر پیرس ایدی کہ عباسیہ
 بقایاسندن مستصربالاهی مصرہ چاغیروب خلافت عباسیہ بی احداث ایتش واون
 یدی سنہ [۶۳۹ - ۶۵۶] حکومت ایتدکدن صوکرہ تسمیم اولمشدر . -
 غلامان اتراکدن صوکرہ مصر حکومتی غلامان چرا کہہ یہ کچمشدر . یعنی
 ملوک اتراکک آخری بولنان ملک الصالح حاجی نک اناہکی بولنان امرای چرا کہہ دن
 « برقوق » عصیان ایدرک انی خلع و بصورتلہ چرا کہہ حکومتی احداث ایتشد .
 غلامان چرا کہہ نک دور حکومتلرندہ مصر دہا بیوک اختلاللر کوردی .
 اتراکدہ حکومت اکثریا برسالہ الندہ بولنوردی ، چرکسلر دورندہ ایسہ
 حکومت بابادن اوغلہ منتقل اولیوب بر امیرک عصیانیلہ اکا انتقال ایدردی .
 رذالت و جنایات چرکسلر زمانندہ دہا زیادہ کسب شدت و کثرت ایتش و مصر
 قطعہ سی خراب اولمشدر . مصرده حکومت ایدن امرای چرا کہہ یکریمی اوج
 کیشی و مدت سلطنتی یوز اوتوز بش [۷۶۰ - ۸۹۵] سنہ در . بونلرک
 یکریمی ایکنجیسی بولنان « قانسو آل غوری » (مرجع ذائق) نامندہ کی محلہ
 یاوز سلطان سلیم ایله ایتدیگی محاربه دہ تلف اولمش ویرینہ جلوس ایدن « طومانبای »

دخی بر سنه صوکره مصرده سلطان بلم طرفدن اخذ و صلب ایتدیر یلرک
ممالك مصریه دولت عثمانیه الحاق اولمشدر [۸۹۵].

بیزانسه طوغان قایتولا-سیوزلر مصرده یتشدیکی ایچون قطعه مذکورده حکم
ران اولانلرک اصول عمومیه سی بر منوال مشروح کوزدن کچیرمکه لزوم کوردک.
اوروپالیر ایلک اول تعداد و توصیف ایتدیکنر حکومات اسلامیه ایله مناسبت
و اختلاط ایتمشدر. مناسبات صلحیه «سن لوی» نک مصره ورودندن صوکره
باشلادی. اسلام اوزرینه مهاجرتدن طولانی «عزیز» لقبی آلمش اولان فرانسه
قرالی طقوزنجی لوی مغول رئیسارندن هلاکو خانک اردولرندن فراراً غربه
التجا ایدن خوارزم ترکارینک حلب و شام طرفلرینه اینرک بورالیرله برابر
قدسی فتح و استرداد ایلملری اوزرینه (۶۲۲) پایا اینوسانک تشویقی ایله بر اهل
صلیب دها (یدنجی) ترتیب ایتشدی. قدس حکومتک الکبیرک دشمنلری. مصر
ملککری اولدیغندن لوی ابتدا مصری استیلا ایچون معینده کی قوه کلبیه بی دمیاطه
سوق و اخراج ایتمشدر. براق موفقیتدن صکره ایلرویه کیتمش ایسهده نیل
بطاقلقارندن کچرکن عسکرینک چوغی و بادن تلف اولمشدر. و وقوع بولان
محاربه لرک برنده فرانسه اردوسی قرال ایله برابر اسیر دوشمشدر. لوی آنجق
یک چوق تضمینات و بر دکن صوکره فرانسه یه عودت ایده بیلمشدر (۶۲۸).
فقط مصر سلطانندن برطاق امتیازات استحصالنده موفق اولمشدر. لوی اون آلتی
سنه صوکره سکرنجی اهل صلیب اردوسی بلترتیب مسلمانلر علیه تکرار قیام
ایتمش ایسهده تونسک محاصره سی ائتالنده و بادن وفات ایتمشدر. خلفی مشهور
فیلیپ مصر حاکیله اون سنه دوام ایتک اوزره بر معاهده عقد ایدرک فرانسه یه
دوغمشدر.

حکومات اسلامیه طرفدن اوروپالیر و بریلان ایلک قایتولاسیون ۶۵۰
- ۱۲۵۲ تاریخی قایتولاسیوندر. متنی اله کچماشسهده اسکندریه ده کی فرانسه
قونسولونک فرانسه تبعه سی ایچون بو عهد ایله یک چوق امتیازات استحصال
ایلدیکی معلومدر.

فرانسزله ۱۲۵۷ تاریخنده طرابلس غرب حاکمیه دخی بر مقاوله یابدیلر .
اشبو مقاوله نك تنظيمنده سن لوینك اخذایتدیکی عهدنامه احکامی اساس طوتلدی
بو مقاوله موجبجه فرانسزله طرابلس غربده اقامت حق و برلدی و فرانسه
تبعه سنه متعلق دعاوینك قونسولوسی واطه سیله کورلمسی تقرر ایتدی .

ایشته کرک مصر سلطاننك کرک طرابلس غرب حاکمک اشبو معاهداتی
ممالک شرقیده امتیازات اجنبیه یول آجدی . اجنبیلره قایتولاسیون و یرمک
تعامل حکمنی آلدی . بناء علی هذا مصرده امرای چراکسهدن سلطان غوری
زماننده امتیازات توسیع اولندی . یارز سلطان سلیم مصری فتح ایلدیکی زمان
فرانسزله سلطان غوری طرفندن اعطا اولمش اولان امتیازات فرماتی مشارالیه
ابراز ایدرک کماکان مرعیتنی دبدیلر سلطان سلیم دخی مساعده ایتدی . کوبلیورکه
دولت علیه قایتولاسیونی اناول مصرده ویرمش اولدی . اگرچه استانبولک
فتحنده وائسای حربده جنوه لیلرک اردومزه یاردم ایش اولملرینه بناء یزانسدن
قلمه امتیازلری قسماً ایفا اولمش ایهده فاتح سلطان محمد غلطه یی ضبط ایله برابر جنوه
لیلرک اوراده ایدیندکاری استقلال اداره یی طانیماشدر .

فتح اولتان یرلرده بولتان اجنبیلر پیدرپی دولت عثمانیه تابعیتنه کیرمشلردر .
تابعیت ماده سی اوزمانلر مهمدی . اسکیدن دولت علیهده تابعیت نذکره سی اصولی
اولدیغندن ممالک عثمانیه ده کی لاتینلر معاهدات یابدیلرینه قونسولسلرک حمایه لری
الته کیردرک اجنبی کی قالمشدر . حالا طاشوزده اسکی ونیدک تابعیتندن قالمش .
حمی صفتیله قونسولسلرک تحت حمایه سنه کیرمش آدملر واردر .

سلطان سلیمان قانونی زمانه قدر سوریه ، مصر و طرابلس غرب خارج
اولوق اوزره هیچ بریرده اجنبیلره امتیاز ویرلماشدر . دولت عثمانیه ایله ایلمک اول
مناسبات رسمیه به کیریشن و بزدن برنجی قایتولاسیونی آلان فرانسه حکومتی درکه
دیگرلرینه چیغر آچمشدر . عهد عتیقه مزک تاریخنده شو مناسباتک کیفیت حصولی
یک مهم بر بحث اولدیغندن مقاله آتیه مزده سلیمان قانونی ایله برنجی فرانسوانک
مخابره و معاهدلرندن بحث ایده جکز .